

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsiobasotho.co.ls

Ntsekele o
tšepisa Ma-ABC
kholo le khotso



5

Moriana
oa Benylin o
kotsi

6



Bolofa
ba
bahlanka

8



BEREA E ITLHOMA PELE

3

20 YEARS
1824-2024
BASOTHO

KETEKELO EA LILEMO TSE MAKHOLO A
MABELI SECHABA SA BASOTHO SE THEHILOE

MOELTSI

Ke qhaqhang-qhang

Ho fetile likhoeli joale Basotho meokho e sa ome marameng ka lebaka la tlhokahalo ea libukana tsa ho eta 'moho li likarete tsa boitsebiso. 'Musu ka Lekala la tsa Lehlae, Borena le Sepolesa o iphethotse morui oa litšepiso mofutsana oa liphethahatso. Pejana mona Tona-Kholo o ne a bontše ha tšitiso e kholo e le mohokanyi ea ba kopanyang le mohlahisi oa libukana tsa ho eta, eaba o tiisetse sechaba hore ha joale ba se ba sebetsa le mohlahisi ka kotloloho. Ka hona Basotho ba be le tšepo ea hore ba tla fumana libukana tsa ho eta kapele-pele, ha ba ha behoa le nako eo li tla fumana ka eona. Sechaba sa ea se matha empa sa khutla tšiba ho lla tse ka mahafing.

Ha joale Letona la tsa Lehlae, Borena le Sepolesa o ntse a phetha ntlha e tsoanang, joale o sa e thatiseletsatsa ka hore ba fuoe chelete e nyane ho latela likhahanyo tsa lichelete. Taba ena e ba tlama ho hlahisa lenane le itseng la libukana tsa ho eta, le hoja a tiisa hore tlhokahalo e holimo haholo papisong le tlhahiso ea bona. Ntho e makatsang haholo ke ho utloa a re o tla il'omamela hore na o khutlisetsa batho ba ileng ba etsa likopo tsa libukana tsa ho eta tse potlakileng lichelete tsa bona kapa chee. H'a sa li khutlise ke haeba a tl'o etsa'ng hobane o ntse a hlalosa hore chelete ha e lekane ho etsa lenane le hlokalang? Leha ho le joalo, o tšepisitse hore ho na le libukana tsa ho eta tse ileng tsa tsoarelloa ka lelibohong, 'me hang ho ba li lokolloe Basotho ba tla li fumana.

Moetapele oa Mokha oa Sechaba sa Basotho (BNP) o hlalosa hore mehleng ea pele motho o ne a etsa kopo ea bukana ea ho eta e potlakileng ka chelete e kaalo ka M630.00, 'me o ne a e fumana hang-hang. Ea etsang e tloaelehileng o ne a e fumana kamor'a matsatsi a mararo a lefile chelete e kaalo ka M130.00. E le ho bebofatsa litaba batho ba entseng likopo ba ne ba fumana melaetsa (SMS) mehaleng ea bona ea thekeng, ha libukana tsa bona li lokile.

Ka lehlakoreng le leng Mongoli e Moholo o bontša hore mabapi le litokomane tsa boitsebiso ba sitiloe ka lebaka la hore mohlahisi o ne a batla chelete hana-hang ha etsa litokomane, empa ha joale ba fumane mohlahisi le chelete e teng. Sena se bolela hore haufinyane lintho li tla boela setloaeling, leha ho le joalo re tla re ke lipitsi ha re li bona, hobane Basotho ba tsoarisitsoe lefika nako e telele.

Nakong ena ea Mariha batho ba tsoaroa ke sefuba 'me ba reka meriana ho se loantša. Lekala la Bophelo le entse tlhokomeliso ho sechaba mabapi le moriana oa Benylin (Batches 329304 le 329303) o sebelisoang ke bana ba lilemo tse peli ho isa ho tse 12, ho emisa hang-hang kaha o na le litlamorao tse bosula. Le eletsa bohle ba seng ba o noele ho potlakela litsing ho fumana thuso.

Lefapha la Sechaba la Lihlapiso tsa Baithuti (NMDS) le khalemme baithuti ba Sekolo se Seholo sa Sechaba (NUL), ba ntseng ba hasa litaba tsa hore lefapha le hula lichelete ntle le tumellano ea baithuti. Lefapha le bontša hore ho latela molao moithuti ha qeta sekolong 'me a rata ho khutlela hape o lokela ho lefa halofo ea mokitlane oa hae, ebe e setseng e lefshoa ka lihlapiso tsa khoeli le khoeli. Lefapha le entse tumellano le litlhophiso le batsoali 'moho le baikarabelli ba baithuti hore le hule chelete lihlapisong.

Haeba ke 'nete NMDS ebile le lipuisano le batsoali 'moho le baikarabelli ba baithuti, ke ka lebaka la'ng ha ba sa nke boikarabelo ba bo bolella bana ba bona litumellano tse ncha, haeba li ncha? Ho na le hore ebe baithuti ba ntse ba senya NMDS lebitso. Batsoali le baikarabelli ho shebahala ba se na thahasello ea bokamoso ea bana ba bona, hobane ba ba tlhohetse ba ntse ba etsa boitseko bo qetellang bo sentse le thepa ea sechaba e kang mabenkele a se nang le seabo licheleteng tsa bona tsa NMDS.

Manpower e seolla baithuti

Tšeliso Thakholi

Lefapha la Sechaba la Lihlapiso tsa Baithuti (NMDS) le seolotse ka bohale litabatseng li buoa ke ba bang ba baithuti ba Sekolo se Seholo sa Sechaba (NUL), tse reng ba qobella baithuti ho lefa mekoloto ea bona e fetileng ka ho sebelisa litsiane tsa bona. Tsena li hlaleletse polelong e ntšitsoeng ke NMDS moo e otlolang leano le boitlamo ba tefo ea mekoloto ea lihlapiso tsa baithuti.

NMDS e itse beng ba lipuo tsena ba ntse ba hasa mafosisa, e le hore ba tle ba qeneheloe ha ba lokela ho lefa mekoloto ea bona e fetileng ea lihlapiso, eo e leng leano le boitlamo ho e lefa. NMDS e bontšitse hore ho latela

Melaoana ea Likalimo ea 1978, 'moho le tumellano ea lihlapiso e kenyeletsang boitlamo ba baithuti, e bolela baithuti ba ileng ba fuaa lihlapiso ba lokela ho lefa mekoloto ea bona khoeling ea pele kamora ho phethela lithuto tsa bona.

"Ke ho tsoa leanong lena, moo baithuti ba ileng ba fuaa lihlapiso ke Lefapha, 'me ha ba batla ho ntšetsa pele lithuto tsa bona hanghang ba lokelang ho lefa bonyane 50% ea mokoloto oa bona o fetileng, ebe ba lefa 50% e setseng ka litefiso tsa khoeli le khoeli." E boletse joalo e bile e eketsa ka hore selemong sa lithuto sa 2023/2024, 'musu o sebelisitse sekala sa bohloki ba lichelete e le ho phethahatsa leano lena, bakeng sa baithuti ba ntšetsang pele lithuto tsa bona hanghang, ho lefa mekoloto ea bona e fetileng e le hore ba tse-

be ho fuaa lihlapiso hore ba tsoelepele lithutong tsa bona.

E tsoetse pele ka hore litlhophiso tsa ho lefa mekoloto e fetileng, ho kenyeletsa le baithuti ba NUL ba khale, li entsoe le baikarabelli ba baithuti, ho ipapisitsoe le maemo a bona a lichelete e seng le baithuti. Ka hona, boitlamo le mekhoha ea ho lefa khoeli le khoeli le tsona li entsoe ke baikarabelli ba baithuti. Ea tiisa hore NMDS e ke ke ea laela kapa ho qobella mang kapa mang ho sebelisa litsiane tsa baithuti tseo ba li fuoang khoeli le khoeli ho lefa mekoloto ea bona e fetileng. NMDS ea phethela ka ho hlokomelisa Basotho le baithuti ho se khelosoe ke mafosisa a baithuti. Ho feta mona, ea hlokomelisa baithuti ba khale ba NUL ho phethahatsa boitlamo, ba ho lefa mekoloto ea bona joalokaha leano le hlalosa.

Contacts: +266 28350 466 / 6260 0983 (Whats app)
Email: moeletsioabasotho@gmail.com



Editorial
Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Newsroom
Nthabeleng Seithheko 57 665 038/ 68 216 721
nthabeleng.seithheko@moeletsioabasotho.co.ls

Tšeliso Thakholi (Sports) 58 540 853/ 63 480 404
tseliso.thakhuli@moeletsioabasotho.co.ls

newsroom@moeletsioabasotho.co.ls

Advertising
Thabo Lesaona
(+266) 28 350 466/ sales@moeletsioabasotho.co.ls

Production Desk
'Mateele Liqa, Sr. Canicia Nthunya

Berea e itlhomme pele

Nthabeleng Seithleko

Ea tšoereng molepo e le Mookameli oa Sepolesa, Dr. Mahlape Morai, o re ba tobane le tlakotsi e kholo ea lipolao tsa batho, 'me Setereke sa Berea ke sona se itlhommeng pele se lateloa ke sa Leribe. O bolelile tšena kapel'a Komiti ea Molao ea Paramente ka la 16 'Mesa monongoaha.

O re ho fihlela hona joale Setereke sa Berea se na le bafu ba 26 'me ba 13 ba thuntsoe, Leribe e na le ba 41 'me ba 13 ba khakhathiloe ha ba sethunya ba le 13, Butha-Buthe eona e na le bafu ba robeli, ba bararo ba bona ba bolailoe ka sethunya.

A tsoelapele ho bontša hore Seterekeng sa Mokhotlong bafu ba 15 'me ho thuntsoe ba bane, ebe Maseru e teropong bafu 26, banna ba supileng ba bolailoe ka sethunya, e ka maloting eona e na le ba 16 ba bane ba thuntsoe. Mafeteng teng bafu ba 20 'me



ba tšeletseng ba bona ba thuntsoe, ha Qacha's Nek bafu ba tšeletse, ebe Thaba-Tseka ho bolailoe batho ba robong, ba bararo ba thuntsoe, Mohale's Hoek e na le bafu ba 16 'me banna ba tšeletseng ba thuntsoe.

O supile ho bolailoe batho ba 178 'me hara bona

ba 173 ba bolailoe ka sethunya, 'me lipalo tšena ke tsa ho tloha ka khoeli ea Pherekhong ho fihlela la 15 'Mesa ngoahola. Ha ho le joalo kakaretso ea lithunya tse sebelitsoeng ke 58.

O itse sepolesa se na lilemo tse 152, ka litho tse 4,586 tseo banna ba leng

3,315 ha basali ba le 1,253.

A re ba entse boithuto ba hore na ke libakeng life moo ba tlamehang ho ba le matšolo a litlolo tsa molao, ba ipapisa le ketsahalo ka 'ngoe. A re melao e ba fa matla a ho sebetsa 'moho ho fenyha litlolo tsa molao, haholo nakong ea tlakotsi.

O itse ho phahama ha lipolao tsa batho ho ba susumeletsa ho sebetsa 'moho le liitsi tsohle tsa tšireletso ho loantša boemo bona ba tlakotsi.

Motlatsi oa Mookameli oa Sepolesa Paseka Mokete, o bontšitse sepolesa se ithokela seaparo e le ho nena tšebeliso e mpe ea sona.

A re ba boetse ba reka likoloi tse 75, 'me tsa moetso oa Mahindra li 25 le Honda Tit tse 50, ho mohoebi a le mong kaha ba ne ba hloka likoloi tse tšoeu. O re ba sebelisitse molao oa litheko tsa lithepa tsa 'muso o ba lumellang ho reka lithepa tse sebelitseng. O re seo ba se entse kamor'a lipatlisiso.

Thabiso Lekitla o supile ha sepolesa se tlotse molao ka ho sebelisa karolo ea pele ea molao oa theko ea likoloi ba sa sebelise ea bobeli ea ho bulela bahoebi bohle ho iketela mosebetsi. Ka hona theko ea likoloi tseo e entsoe ka thoko ho molao. Leha ho le joalo, khang ebile hore litaba tšena li hloka botoloki ba molao molemong oa kutloisiso ea bohle.

Lephema o il'o inahana



Nthabeleng Seithleko

Letona la tsa Lehae, Borena le Sepolesa Mohlomphehi Lebona Lephema o boleletse Komiti ea Paramente e shebaneng le Molao le Polokeho ea Sechaba hore o il'o imamella hore na o tla buseletsa Basotho ba kopileng libukana tsa ho eta tse potlakileng chelete ea bona kapa che. Tšena li hlahelletse tulong ea komiti ka la 16 'Mesa monongoaha.

O itse o lumela hore ke ho hlokela sechaba toka ho se lefisa M630.00 ea bukana ea ho eta e potlakileng ebe lekala la habo ha le ba fe tsona ka nako

e boletsoeng ka hoo o itse o laela bahlanka hore ba se amohela likopo tse potlakileng ha ho se na thepa e lekaneng.

Lephema o bontšitse hore ha se boikhethelo ba bona hore e be ba fana ka lenane le tlase empa ke ka lebaka la lichelete tse teng. O re b'a tseba ebile ba utloela Basotho hore ha ho na mabaka a mangata ao b'a etsang kahar'a Naha ea Lesotho, kaha ba hloka mesebetsi le ho nka maeto.

O re ka makhetlo a 'maloa ba leka ka hohle ho bona hore ba rarolla bothata ba libukana tsa ho eta, pharela ebile pakeng tsa bona le mohokahanyi ea neng a ba rekela tsona ho mohlahi-

si, empa ba se ba reka ho mohlalasi ka kotloloho.

Ho sa le joalo, lekala le re chelete eo le e fuoeng selemong sena sa lichelete e tla le lumella ho reka feela tse 60, 000, le hoja le hloka tse 150, 000.

O re bothata bo bileng teng ke ho lieha ho lefa kaha 'Muso oa Lesotho o lefella thepa e teng, 'me ba ne ba sa lumellane le mong'a thepa hoo a ileng a ba tlisetsa lipasa tse 10, 649 tseo ba ileng ba li lefella.

A re ba boetse ba amohela tse 42, 000 tse ileng tsa tšoarelleha lelibohong, kaha ba ne ba lokela ho lefa lekhetho. A re maikemisetso a bona ke hore ba fumane sehlopha sa tsona, 'me batho ba li fumane ho latela matsatsi a liphelelo.

A re tse ileng tsa fanoa ka 2013 ho isa 2023 bohlo li felile, ba ntse ba kokota monyako oa Lekala la Lichelete hore ba tsebe ho fuoa chelete, ha joale ba lebeletse tse 47, 000 tse tli'ofela.

Mookameli oa Lipasa Mpiko Rafono o itse ha ba tsebe palo ea Basotho ba neng ba kopile tse potlakileng, empa ba ile ba li fuoa kamor'a nako. O re phephetso e kholo ke bothata ba chelete eo ba e filoeng

kaha ba ile ba bolelloa hore ba itšetlehe ka khakanyo ea lichelete ea 2022-2023.

A re ka selemo sa 2014, ba ile ba etsa tse 73,000 tseo bohlo li feletsoeng ke nako. O re tseo beng ba tsona ba sa li nkang tse teng li ngata, hobane batho ha ba qeta ho etsa likopo ba ea Afrika Boroa ba iketsetsa mabaka a bona ebe ba li nka nakong ea matsatsi a phomolo.

Moetapele oa Mokha oa Sechaba sa Basotho (BNP) Machesetsa Mofomobe, o re batho ba lahlehela ke mesebetsi, baithuti ba sitoa ho kena sekolo, ba bang ba sitoa ho boloka ba habo bona. A re letona le tšoanela ho nka taba ena e le tlakotsi.

O re mehlang ea pele bukana ea ho eta e ne etsoa ka letsatsi ha motho a

lefile M630.00, ha a lefile M130.00 e tsoa kamor'a matsatsi a mararo 'me ho ne ho sebelisoa melaetsa (SMS) hore motho a tsebe. A re tlhokahalo ea litokomane tsa boitsebiso le libukana tsa ho eta ke koluo, lekala le tlameha ho e phamolela holimo le ho fa sechaba tšepo.

Mongoli e Moholo o supile hore tabeng ea litokomane tsa boitsebiso ba sitiloe ho fumana mohlalasi ka ha oa Afrika Boroa a ne a hloka ho lefshoa pele a fana ka thepa empa ha selemo sa lichelete sa 2023 se fela ba ne ba se ba fumane mohlalasi le chelate le teng.

O itse ba ntse ba fana ka litokomane tsa boitsebiso empa tse hloka halang ka tlakotsi.

A re ha joale lekala le na le 1,560 ea litokomane tsa boitsebiso tse fuoang batho ba hlokaheletsoeng le bana ba likolo.



Phihlela o thehile likhoebo

Tšeliso Thakholi

Nakong ena eo bacha ba leng kahar'a bothata ba tlhokahalo ea mesebetsi, khoebo e bonahala e le eona feela tharollo ho bohle ba tsomang maoala a bophelo. Har'a lipale tse ngata tsa batho ba qalileng likhoebo ba sa le banyenyane lilemong, Mofumahali Tlaleng Phihlela ea ntse a le mocha haholo lilemong, ke e mong oa basali ba bacha ba itlhommeng pele ka mefuta ea likhoebo tse fapakaneng.

Phihlela o tiisa hore ho qala khoebo ho hloka feela boitšepo le lerato la seo motho a se etsang. H'a ntse a hola joaloka ngoana e mong le e mong oa Mosotho, o ne a e-na le toro ea ho ba ngaka, empa h'a ntse a tsoelapele ka lithuto tsa hae, batsoali ba hae ba ile ba mo tšoaetsa lerato la khoebo, kaha a holetse kahar'a lelapa le neng le phela ka khoebo ea ho rekisa masimba le lipompong.

Ke mona moo tlhase ea lerato la ho ba ngaka le ileng ea tima joaloka leb-one la nkuke, 'me a rata ho iphelisa ka ho ithehela likhoebo. O ile a ea Sekolong sa Khoebo (IDM) ka selemo sa 2011 ho isa 2013 a etsa Lengolo la Business Management. Ka selemo sa 2014 ho isa 2019 a ntšetsa lithuto tsa hae pele ka Sekolong sa Mahlale le Mesebetsi ea Matsoho sa Limkokwing a etsa Lengolo la International Business. H'a ntse a le sekolong o ile a qala likhoebo tse nyenyane tse kang tsa ho rekisa mao-toana a likhoho, masimba le lipompong.

O re qoqela ka moo a ileng a qala likhoebo tsa hae ka teng:

Joalokaha ke se ke boletse ke hotse ke holela kahar'a khoebo, 'me lera-to lena le tsoa ho batsoali, le hoja 'na ke ne ke rata ho ba mooki. Ha ke qeta sekolong ke ile ka ikhethela



ho itšoarela ka matsoho. Ke rata ho hlokomelisa bacha hore ho itšebeletsa ho monate ho feta ho hiroa, hobane ha ho na motho ea tla u laola mosebetsing oa hau. U tsoha ka nako e batloang ke uena feela. Ke ne ke etsa ka matla hore ke phethe mosebetsi oa hae hantle, ka nako le ka makhetha.

Ke ile ka qala ka hloma mok'huk'hu motseng oa Lithabaneng e leng moo ke phelang hona teng, ka rekisa masimba, limpompong le liapole ka tsela e matla haholo ho feta ha ke ke le sekolong. Ke hona moo ke ileng ka hlokomela ka botebo lerato la ka litabeng tsa khoebo. Ka boela ka hlokomela hore bophelong ho na le lintho tseo motho a ka ratang ho fetola bophelo ba hae ka tsona.

Ntho eo motho a e ratang a bile a e tseba, o tla e etsa h'a se a le kahare ho eona. Ke qalile ka khoebo e nyenyane joalokaha ke se ke boletse, 'me eare ha e ntse e hola ka qala ho rekisa 'Yoghurt' ka mefuta ea eona, ha ke bona ke atleha ka boela ka bula khoebo ea thekiso ea marikhoe ka

mefuta empa haholo-holo a libokate. Kamor'a nako ka boela ka bula khoebo e 'ngoe hape ea ho rekisa likahare.

Likhoebo tsena ha li le tjena kaofela, li ntse li le teng ke tsona tse mphelising le lelapa la ka. Ke li hlokometse le ho li balla, kaha e se e le hona moo ke seng ke phela hona teng. Ke khothaletsa bacha haholo ho sebelisa menyetla ea boipheliso e hlahang bophelong ba bona, ekaba ha ba ntse ba le sekolong kapa che. Ke re leha e le menyetla ea boithaopo ba se ke ba fetoa, e le ho holisa litse-

bo tsa bona.

Lithutong ke entse litaba tsa khoebo ka sia ea bongaka. Ha joale ke rekisa 'yoghurt' ka mefuta, likahare tsa linku le liphahlo. Ke ntse ke sebetsa ke le mong, kaha bacha bao ke neng ke sebetsa le bona ba ile ba mphoqa. Ke rata ho eletsa bacha hore ha ba ntse ba le sekolong, ba etse lithuto tse tla ba thusa hore ha ba qetile ba tsebe ho itšoarela ka matsoho, e seng ho hiroa. Mesebetsi e teng kantle ka mona ho sa tsotellehe hore na motho o fihletse boemo bofe ba thuto.

Litsebo tseo ba nang le

tsona, ba rutehile kapa ba sa ruteha ba ka iphelisa ka tsona. Tsietsi e kholo ea rona bacha ke ea ho tšaba ho itšoarela ka matsoho ka ho iqalla likhoebo tse nyenyane, ke hore na batho ba tla reng ha ba bona u rutehile feela u matha ka lebokose la liapole seterateng. Ba tla u etsatsang batho? Leha re na le litsebo tsa ho iqalla likhoebo re ntse re na le bothata ba hore na batho ba tla reng. Bacha itšoareleng ka matsoho, 'me mesebetsi e tla hlaha le tla tseba ho pholoha kahar'a mathata ana a tla le tlhobolo.



Ntsekele o tšepisa Ma-ABC kholo le khotso

Nthabeleng Seitlheko

Motlatsi oa Moetapele oa Kobo-Tata (ABC)



Samonyane Ntsekele, o re ABC ke lekhottla le leholo le thehiloeng ke setsebi sa lipolotiki Dr. Motsoahae Thomas Thabane, 'me morero oa bona ke ho le aha ho ea pele. Tsena li hlaheletse puisanong le Koranta ka la 17 'Mesa monongoaha.

O re le ne le theoa ka sepheo sa ho kopanya mafapha ohle a sechaba, barutehi, babolli le bahoebi 'moho molemong oa naha.

Haele mona Ma-ABC a mo tšepetse ho tla ntšetsa le k-

hotla pele a thusana le moetapele Nkaku Kabi, o tla sebetsa ka thata molemong oa Basotho. A tšepisa ho kopanya sechaba sa Basotho le lipolotiki tsa ABC e be tsa khotso.

Ntsekele o thabetse hore lipolotiki tsa khetho ea Komiti e Kholo ebile tsa khotso, 'me tebello ke hore litaba tsohle li tla sebetsoa ka khotso. A re batho ha ba hlotsoe likhethong ba amohele sephetho kaha lipolotiki tsa khale tsa ho se amohele sephetho li feletsoe ke nako.

Ho sa le joalo, Molutla-Setulo oa Liboka, Kemiso Mosenene, o bontšitse ba khethoang boetapele ba loke la ho itebala molemong oa sechaba. A re likhethong tse fetileng sechaba se ba tlhotlile boikhomoso,

ka hoo ba tlameha ho sebeletsa kopano.

O re sena se bonahe-tse ka lipalo tse tlontlollang tseo ba khutlileng ba e-na le tsona likhethong tseo, ka hona ba kopa tsoarelo ho Basotho, 'me ba tšepisa ho sebetsa ka thata molemong oa kholiso ea lekhottla.

Har'a lipho-so tseo ba li entseng ke ho hlokelana mamele maemong ana, 'me ba tšepisa hore seo ke pale ea maobane.

Raliphatlatlato oa ABC Mphonyane Lebesa o bontšitse a tl'osebetsa ka

thata ho bona hore litaba tsohle tsa ABC li tsoa ka litsela tse nepahetseng. A re ntho e kholo ke ho holisa Kobo-Tata ebe leetong le leng le tsoanang ba sa sie balateli morao.



Moriana oa Benylin o kotsi

Nthabeleng Seitlheko

Letona la Bophelo, Mohlomphehi Selibe Mochoboroane, o phatlalellitse bosebeletsi ba Lekala la Bophelo, hore Dr. 'Makhoase Ranyali-Otubanjo, o tla tsoa a ntse a tšoare molepo e le Mookameli oa Litšebeletso tse Akaretsang tsa Bophelo.

Ho ea ka lengolo leo Mongoli e Moholo oa Lekala la Bophelo, Moliehi Ntene a le ngolletseng Dr. Ranyali, o tla tsoa a ntse a lutes se maratsoana ho fihlela sekheo sa Dr. Letsie se koaloe.

Sena se tla kamor'a hore mafelong a beke e fetileng, Mookameli oa Litšebeletso tse Akaretsang tsa Bophelo nako e telele lekaleng lena la bophelo, Dr. 'Nyane Letsie, a lokele ho ea phomolong ea molao.

Ka lehlakoreng le leng lekala le ntšitse phatlalatsa ea litaba e laelang sechaba sa Basotho ho emisa, ho sebelisa moriana oa bana oa sefuba – 'Benylin', (Batches

329304 le 329303).

Phatlalatsa ena ea 15 'Mesa monongoaha, e supa ha moriana ona o phekola sefuba ho bana ba lilemo li peli ho isa ho 12, e bang ngoana a se a fue moriana ona a potlakisetsoe setsing sa bophelo.

Hara matšoa a ka bonahalang ngoaneng ea filoeneng moriana ona, ke letšollo, lehlatsa, hlooho le tseling tse ngata.

Lingaka le litsi tsohle tse nang le moriana ona, li koploe ka hohle ho o phutha libakeng tsa bona tsa thekiso le ho emisa hang ho fana ka ona.



Makhotla a entse mosebetsi

Nthabeleng Seitlheko

Lithetefatsi ke lefu le tjametseng naha ena le tlamehang ho ntšoa ka metso bacheng molemong oa bokamoso bo chabileng. Tsena li hlalositsoe ke Mphonyane Mofokeng, Mothehi oa Mokhatlo oa Thibelo le Toantšo ea Lithetefatsi (ADAAL), ka la 16 'Mesa monongoaha.

O re bothata bo boholo KE ba melao e laolang litaba tsa lithetefatsi kahar'a naha, lehoja ha joale likotlo li boetse e le tse tšabisang beng ba liketso tsena ho rekisa lithetefatsi e leng ntho e ntle. O re boholo bacha ba bangata ba qala ho sebelisa lithetefatsi ho tloha lilemong tse 15 ho ea holimo.

O re e le ADAAL ba tšoenyehile ke liketsahalo tsena tse bolutu tse amang bokamoso ba bacha ba naha ena. A re bothata bo bakang sena ke khatello ea maikutlo, tlhokahalo ea mesebetsi, bana ba sa fumaneng lerato la

batsoali le tšehetso ho baholisi ba bona.

A re batsoali ba tlameha ho sebetse ka thata ho lisa metsamao ea bana ba bona le metsoalle ea bona hore ba tsebe ho hlaola moo liphoso li leng teng. O re ha se nako ea hore batsoali ba nyahlatse boikarabello empa ba thusang hore bacha ba lopollohe maemong ana a boima a lithetefatsi.

Ho sa le joalo ka lehlakoreng le leng, basali bao bana ba bona ba oetseng lerabeng lena, ba ile ba ikopanya ba theha Mokhatlo oa Mokhosi oa 'Mangoana(MAM), o morero oa ona e leng ho bona hore ba beha sechaba leseling ka tšebeliso e fosahetseng ea lithetefatsi, ho fana ka thuto sechabeng le ho thusa basali bohle ba amehileng ke maemo ana.

Mokhatlo ona o supa o thabetse makhotla ka ho fana ka likotlo tse matla ho barekisi ba lithetefatsi kahara naha, ka hoo ho bohlokoa hore batho bohle ba nke boikarabello ba ntše lithetefatsi ka metso malapeng le metseng ea bona.

TSE NTLI LITJOTJELA PRESENTS

WELCOME WINTER Festival

DATE: 04-05 2024

VENUE: QEME KA MAFIKENG

10:00AM TILL LATE COOLER BOX M50

MC: PARTY ENZYME TSEKOA & EMKAY LS

LINEUP: TRUFFLE LS X LOYAL KING X BLUE FLAME
 DJ THANDOGG (BOKAMO FM) X NTOABATHONG X TEEFIRE
 WALTER NKOPANE (BOKAMOSO FM) X NCHEME GPMG X BLACK FOX
 TASHA MAKHETHA (BOKAMOSO FM) X MAKHUBELU X MOSOLA
 YOUNG WILLY X MALEHLOHONOLO MPHOU X STAAF REH

TICKET R30
 R40 AT THE GATE

#NO14 aware.org DRINK RESPONSIBLY. NOT FOR PERSONS UNDER THE AGE OF 18

Key Bites

www.moketlabatho.co.za

Toantšo ea litlolo tsa molao Mapoteng

Nthabeleng Seithleko

Mohoebi ebile e le letsoalloa la Mapoteng Lebatooeng la 'Makhoroana, Leloko Serobanyane, o re bacha le basali ba lokela ho sireletseha ka linako tsohle le ho ba le mesebetsi e ba phathahanyang khafetsa joaloka lipapali. Tsena li hla-

habo hore e be sechaba se shebelang litaba 'moho, se sebedsang ntho e tsoanang haholo lipapali le likopano tse ntlafatsang sechaba. O itse o hloka lebatooa le hloekileng leo ho seng litlaleho tse bosula tsa lipolao tsa batho kapa litlhekefetso. "Ho lekane ka lipolao tsa batho le mali a tšolohileng lebatooeng lena." ke Serobanyane eo.

lipapali 'me talenta e fetohle mosebetsi ho bohle.

Molula-Setulo oa Puso ea Libaka Malefetsane Morabe, o re ba leboha mosebetsi ona o etsoang molemong oa bacha hore lipapali tsena li tsoareloe sebakeng sena, 'me taba eo e tlo fetola bophelo ba bona.

Mokhethooa oa Lebatooa la 'Makhoroana Tšitso Cheba, o re ba leboha lipapali tsena kahar'a sebaka sa Mapoteng, 'me a khotlaetsa bohle ho tsoarana ka matsoho. A re o thabetse lipapali tsena hobane li fihla ka nako eo sebaka sa habo bona se tobaneng le litlolo tsa molao, bosholu, peto le lipolao tsa lithunya, 'me ba hloka bana ba tsamae ka bolokolohi ba se na matsoalo kaha li etsoa ke batho ba baholo.

Nothembile Ndlovu, e mong oa bacha o supile ha lipapali li ba kopanya 'moho 'me ba khona ho tsebana le ho hola ba utloana. O re qholotso e kholo ke tlhokahalo ea meseb-



Mohoebi ea tšhelitseng lipapali, Leloko Serobanyane



Mokhethooa oa 'Makhoroana NO. 20 ebile e le Mongol e Moholo oa DC, Tšitso Cheba.

heletse puisanong le Koranta ka la 15 'Mesa monongoaha.

O re lefatše le fetohile motšana ka lebaka la tšebeliso ea marang-rang, 'me batho bohle ba lokela ho eelloa le ho ithuta liqholotso tse tobaneng le bacha le basali, haholo lipolao le tlhekefetso.

O bontšitse a eme ka maoto ho kopanya mefuta eohle ea sechaba lebatooeng la

O re o thabile hore morolo o monyenyanane o teng, 'me ba letšolong la toantšo ea litlolo tsa molao. O re litaba tse ntseng li etsahala kahar'a sebaka sena li bontša hore likelello ha li ea chora hantle, kaha ho se na letho le ba phathahanyang. O bile a thoholetsa 'muso hore o khethile letona le lecha la lipapali, ka hona a fetole naha a e kopanye ka

etsi e etsang hore bacha ba etse litlolo tsa molao hobane ba lutse feela. O ipilelitse ho

'muso ho ba tšehetsa ho fumana mesebetsi e le hore ba tsebe ho phelisa malapa a bona.

Letona la Bohahlauli, Lipapali le Bonono, Mohlomphehi Motlatsi Maqelepo, o supile hore hohle moo ho nang le boiteko ba hore lipapali li holisoa o tla lula a iponahatsa. O re linaheng tse ling tsa lefatše batho ba 'mino le lipapali ba fumana meputso, ke Lesotho feela moo ho seng joalo, ka hona ba aha taba ea hore batho ba iphelise.

A re likhoebo tse kholo li tsetele kahar'a lipapali 'me ba rata ho bona lipapali li bapaloa kahar'a metse kaha e le hona moo talenta e leng hona teng, le baitšokuli ba fumana monyetla oa ho rekisa thepa ea bona.



Letona la Bohahlauli, Lipapali le Bonono, Mohl. Motlatsi Maqelepo

Boipiletso ho 'muso

Nthabeleng Seithleko

Naha ea Lesotho e tlameha ho ba le leano le thusang hore basebetsi ba mehleng ba merafo, ba fumane litsiane tsa bona tsa ho holofala ka matšoafong Afrika Boroa. Tsena lihlahleletse puisanong le koranta ena ka la 15 'Mesa monongoaha.

O re basebetsi ba mehleng ba merafo ba lokela ho sireletsoa ke melao ea

naha ena, hore ba tsebe ho fumana lichelete tsa bona, haholo batho ba kutseng ka lebaka la merafo. O re chelete e koloatsoang Basotho e ngata hoo e ka thusang ho nyolla ea moruo oa naha.

O re ba ntse ba sebetse ka thata ho loanela hore litaba tsena li tlaleoe kahar'a ho paramente ea Lesotho 'me li nkoe e le litaba tse kholo tse amang sechaba. O re ho lieha ho fumana chelete hoa basebetsi ho bakela

Basotho litaba tsa thek-isetsano ea batho le ho nkeloa lichelete tsa bona, kaha ho hlaha motho koana le koana a ntse a re oa thusetsa ho se joalo.

O re ho boetse ho bakela Basotho bofutsana ka lichelete tse teng tsa bona, tseo ho seng bonolo hore ba li fumane, 'me ho ama ntlafatso le moruo oa naha kaha li chelete tseo li ne li ka tseteloa kahar'a naha.

O re ho ngolisoa ha basebetsi ba mehleng

ba merafo ho hlahisitse pherekano e ngata, hobane batho ba bang ha ba tsebe ba oela ho kae, 'me taba ena e sebeletsa hore sechaba se tle se ngale chelete ea sona. O re Basotho ba tlameha ho lefshoa chelete ea ho ameha matšoafong ke Tšiamiso Trust Fund, empa joale ba bona ho le thata hore lintho li etsahale.

Litaba tsena li latela kahlolo ea Lekhotla le Phahameng Afrika Boroa, e neng e fanoe ea hore batho bohle ba amehileng matšoafong kamora tšebet-

so ea merafong ba fueo litsiane tsa bona.

E mong oa Basebetsi ba mehleng ba merafong ea sa ratang ha lebitso la hae le phatlalatsoa, o re ba tsietsing kaha bophelo ba bona bo amehile ke merafo joaloka ho ateloa ke mafu, le batho ba bang ba lahlehetsoe ke bophelo ba ešo fumane letho ha ba bang ba sitoa ho phelisa malapa empa ba sebelitse.

O re ba tsetselela chelete eo kaha ba lumela hore ba t'lo ntlafala le ho tsoelella bophelong ba bona.

Bolofa ba bahlanka

Nthabeleng Seithleko

Mookameli Lefapheng la Ngoliso ea Liphoofole, Pitso Ramokoatsi, o re ba tobane le phephetso ea bahlanka ba lofang mosebetsing khafetsa, leha lisebelisoa li le teng ha ba lokela ho ea tšoaea liphoofole. O boletse tsena, ka la 16 'Mesa monongoaha.

O re bahlanka ba joalo ba ntse ba nkeloa methati ea khalemo, kaha ba liehisa tšebetso ea 'muso ea ho tšoauoa ha liphoofole. O re bothata bo bong ke tlhokahalo ea lisebelisoa e ba nkileng nako e telele ba sitoa ho fihlela litlhoko tsa bona molemong oa ho qala tšebetso ea ho tšoaea liphoofole ka nako.

O bontšitse ho tšoaea liphoofole ho le bohlokoa ho sechaba, hobane ho tla thusa hore se fumane liphoofole ha bonolo e bang li utsuoe li lebisitsoe Afrika Boroa. A re ba tšoenyehile ke bosholu ba liphoofole bo bonahalang bo etsahala.

O bontšitse liphoofole tse seng li tšoaioe li le 4 milione, ho ngolisitsoe 59%, ha beng ba mehlape ba ngolisitseng e le 43.1%, 'me liphoofole li tšoaea ka thatho le mochoso.

O supile khopolo e ne e le hore ba tla be ba fihletse 5 milione ea liphoofole tse ngolisitsoeng tseo ba tlamehang ho li tšoaea. Ho putlama ha tšebetso ea bona ho bonahetse ka selemo sa 2020 ho isa ho sa 2021, 'me selemong sa 2023 ea theoha ho feta.

O re tšepo ke hore ho ea pele ba tla sebetsa hantle ho bona hore liphoofole tse teng Lesotho li sireletsehile. O re ha ba e-šo tšoae liphoofole ka 'tracker' le 'micro chip' kaha li tlameha ho etsetsoa melaoana e tla li thusa ho sebetsa le hore li sebelisoa nqa efe tšebetsong.

Mokhethoa oa Mpharane NO 60, Mohlali Mohlali, o supile ho se na thuso ea hore bahlanka ba tšoaeang liphoofole e be ba teng metseng empa ba sa sebetse. O re seo a se hlokometseng ke hore bohlo ba lula joalo hobane ho se lisebelisoa, ka hona 'muso o ke o tšoare ka thata ho bona



hore o anetsa litšebeliso ho bahlanka li tsebe ho ea sechabeng.

O re ho bohlokoa hore

'muso o etse molao o qobellang Basotho ho ngolisa liphoofole tsa bona, ho seng joalo batho ba t'l'o nka taba

ena ea ngoliso le ho tšoauoa ha liphoofole e le ntho e se nang thuso kaha ba fumana litšebeliso ba sa ngolisa.

Phomolo ka Letsatsi la Temo ea Lifate

Nthabeleng Seithleko

'Mesa monongoaha.

Lifate li matlafatsa phefumoloho ea motho le ho hlahisa moea o hloekileng, ka tsona bophelelo bo botle ba sechaba boa bolokeha. Tsena li boletsoe ke 'Masebina Kapase, ea hlahisang lifate ka mefuta ea tsona, Ha Seoli, Maseru, puisanong le Koranta ka la 16

O re ho bohlokoa hore letsatsi la temo ea lifate le hloaue e le la phomolo, e le hore sechaba se tsoe ka likanta tsohle ho lema lifate libakeng tseo ba phelang ho tsona. O re lebaka la sena ke ho thusa hore sechaba se nke boikarabello pabalong ea tikoloho le tlhokomeleng ea eona kahar'a metse.



O bontšitse re phela nakong eo phetoho ea boemo ba leholimo e leng qholotso e sa hloking ho sebetsoa ke batho ba itseng, empa e mong le e mong o tlameha ho nka boikarabello. O re ke nako ea hore Lesotho le itlhahlobe le khutlele mekhoeng ea khale le ho khutlisa litloaelo tsa Basotho. O re ho bohlokoa hore tikoloho e apare botala ba lifate, kaha

e t'l'o sireletseha khahlanong le ho taboha ha mangope le khoholeho ea mobu.

Letona la Likhokahanyo, Mahlale le Tšebeliso ea ona, Mohlomphehi Nthati Moorosi, o itse e le ho arabela liqholotso tse tlišoang ke phetophetoho ea boemo ba leholimo 'Muso oa Lesotho o entse geto ea ho tšoaea Letsatsi la Naha la Temo ea Lifate e le la

phomolo. A re matšolo a temo ea lifate ke mokhoa o motle oa ho sireletsa le ho baballa tikoloho.

A re ho lengoe lifate tse tla thusa thibelong ea khoholeho ea mobu, kaha e tla tseba ho bokella mehloa eohle e re thusang ho phela, etsoe boieane ba tlholeho bo khutlela setloaeling, joaloka mekhoabo le liliba.




Courtesy of Vodacom



MOB KIDDS EDUTAINMENT

WINTER CLOTHING



ACROSS


- 1 You wear me on your feet. I'm rhyme with "flutes."
- 5 You wear me on your hands. I rhyme with "kittens."
- 7 You wear me on your feet and legs. I rhyme with "box."
- 9 You wear me on your upper body. You may wear me inside. I rhyme with "better."
- 10 I keep your ears warm. My second syllable rhymes with "huffs" and "puffs."
- 12 I am short and light. I usually have a zipper. You wear me outside. I rhyme with "racket."
- 14 You wear me under your clothing. I cover all of your body except your feet, hands, and head. My last syllable rhymes with "bear."

DOWN

- 2. You wear these instead of shoes when you visit an ice rink. They rhyme with "plates."
- 3. Young children wear me when they play in the snow. I am thick, warm, and waterproof. My last syllable rhymes with "fruit."
- 4. You wear me on your hands. I have a place for every finger. I rhyme with "doves."
- 6. You wear me around your neck. I rhyme with "wharf."
- 8. I am long and heavy. I usually have buttons. You wear me outside. I rhyme with "boat."
- 11. I am a soft, warm type of cloth used to make shirts, sheets, and blankets. I rhyme with "channel."
- 13. You wear me on your head. I rhyme with "map."


WORD BANK: Boots, cap, coat, earmuffs, flannel, gloves, jacket, longunderwear, mittens, scarf, skates, snowsuit, socks, sweater.

www.moeletsioabasotho.co.ls



C	S	S	S	N	O	W	M	O	B	I	L	E	M	S
Y	I	N	N	L	P	L	N	L	X	E	S	S	N	S
S	M	S	O	O	Y	L	M	U	E	N	W	S	N	O
N	R	Z	N	W	W	A	O	S	K	R	O	S	N	O
N	O	X	S	O	O	B	S	E	A	J	G	W	N	O
W	V	N	N	W	R	L	G	X	E	B	O	W	D	A
S	S	H	O	O	I	F	E	I	P	Y	L	O	W	P
U	J	N	G	T	W	N	A	A	D	K	O	I	L	I
I	S	S	W	O	A	S	C	L	K	E	W	N	O	F
T	N	O	N	M	P	S	T	L	L	H	E	G	W	T
R	N	S	W	Y	W	Q	L	O	E	R	R	N	K	G
S	P	O	S	O	Y	O	W	R	E	W	N	K	L	B
Q	N	S	N	O	W	L	E	S	S	M	T	Z	S	B
S	P	S	K	S	N	O	W	S	H	O	E	S	Z	N
S	N	O	W	E	D	S	N	O	W	B	O	A	R	D
L	W	D	O	S	N	O	W	A	N	G	E	L	W	N

snow angel	snowfall	snowscape
snow tires	snowflake	snowshoes
snowball	snowing	snowslide
snowblower	snowless	snowstorm
snowboard	snowmaker	snowsuit
snowbreak	snowman	snowy
snowdrift	snowmobile	
snowed	snowplow	



TSA KEREKE

Mopapa o fana ka thomo

Staff

Moarekabishopo oa Limosona ebile e le Leqosa la Mopapa Naheng ea Ghana, Mobabatsehi Henryk Mieczyslaw Jagodzinski o thontsoe ke Mopapa Francis ho ba moemeli oa hae e mocha oa Afrika Boroa le Lesotho ka la 16 'Mesa monongoaha.

Jagodzinski o hlhlama Moarekabishopo Peter Brian Wells ea neng a fue thomo ea ho ba Leqosa le lecha la Mopapa linaheng tsa Thailand le Cambodia ka Hlakola ngoahola kamora ho sebetsa lilemo tse supileng tsa bolisa linaheng tsa Afrika Boroa, Botswana, Namibia, Lesotho le Eswatini.

Jagodzinski eo e leng letsoalloa la Naha ea Poland ea neng a khetheloe ho ba Leqosa la Ghana ka khoele ea Motšeanong 2020, o hlhlale ka la 1 Pherekhong 1969. A hloesetsoa Mokhahlelong oa Boprasta bo Halalalang ka la 3 Phupjane 1995. O sebelitse e le Leqosa la Bapapa ba fapaneng, linaheng tsa Bosnia, Belarus, Croatia, India le Herzegovina. O boetse a sebetsa e le Mongoli e Moholo oa Vatican.

Ho sa le joalo, Ntate ea Halalalang o boetse a thonya Moarekabishopo Mitja Leskovar oa Benevento, eo e neng e le Leqosa la



Naha ea Iraq ka koeli ea Motšeanong 2020 ho ba Moemeli e mocha oa Democratic Republic of Congo(DRC). Mobabatsehi Mitja o hlhlale ka la 3 Pherekhong 1970 Tikolohong ea Kranj Naheng ea Slovenia, 'me a tlotsetsoa Boprasta

bo Halalalang Tikolohong e Kholo ea Ljubljana ka la 29 Phupjane 1995. O boetse a sebetsa boemeling ba Bapapa Bangladesh, Germany le India, karolong ea litaba tsa kakaretso ea Bangoli ba Naha.

-CISA-



Khosana Dolan o phonyoha lithhaselo

Staff

Khosana ea Kereke e Katholike, Mohlomph'ehi Timothy Dolan oa New York, Amerika, o tlalehoa eena le moifo oa neng a tsamaea le ona ba ntse ba bolokehile hantle Naheng ea Jerusalema, kamor'a hore Naha ea Iran e hlasele Israel ka lithunya tsa mofuta oa Drones le ho e fapatsa ka lethala la li-Missile ka la 13 'Mesa monongoaha.

Litlaleho li supa hore Khosana Dolan ea etelletseng pele Tikoloho e Kholo ea New York, o etetse Naheng ea Israel le moifo oa habo

ka boemo ba hae e le Mola-Setulo oa Mokhatlo oa Makatholike oa Near Welfare Association(CNEWA), 'me o ne a rerile ho etela mekhatlo e fapaneng ea lithuso. Empa lithhaselo tsa Naha ea Iran li ile tsa ba qobella ho emisa ha nakoana leeto la bona, ka sepheo sa ho itšireletsa khahlanong le lifofane tsa ntoa tsa Iran.

"Sontaha sena Bethlehem, tsohle li bonahala li khutsitse li bile li khanya, 'me le rona re ikutloa re sireletsehile." O boletse joalo a bile a eketsa ka hore e ne e se 'nete se builoeng ka mehala ea lithhaselo tsa moeeng hore lerata la se neng se lla hara mpa ea bosiu, e ne e le ha ba tlameha ho ea batla tšireletso Setsing sa Notre Dame, e leng sa kamohelo ea baeti ba

etelang Naha e Halalalang. "Empa hona joale lintho li shebahala li le maemong a matle, 'me re leboha seo. Ke leboha le tšehetso ea lona." A rialo.

Litlaleho li tiisa hore ba ne ba hlile ba ipatile Setsing sa Notre Dame sa Jerusalema. Khosana Dolan ea tlalehoang a ne a sa tsoa keteka Sehlabelo se Halalalang sa 'Missa Bethlehem kamor'a lithhaselo, o boletse hore o tla tsoelapele ka maeto a hae Bethlehem, a ho etela sebaka sa Tsoalo ea Morena Jesu Kriste. O bile a bontša hore ka la 12 ho isa la 18 'Mesa monongoaha, o tla kopana le baetapele ba balumeli ba lehae le ho etela mekhatlo ea litšebeliso tsa sechaba le tsa liphallelo

-CNA-

2023-2024 SELEMO B

Sontaha sa 4 sa Paseka



Liketso 4,8-12
Pesalema 117
Joannes 3,1-2
Joannes 10,11-18



Khothatso

Ke tella linku tsa ka bophelo ba ka

Kereke e Katholike lefatšeng kajeno e rapella lipitso tsa baitlami, le lona ka kelello e le 'ngoe le Kriste 'moho le Molimo Ntate kopang Morena hore ka grasía ea hae a sitse Kereke ka lipitso tse ngata tsa baitlami. Joalokaha Kriste lipalong tsa kajeno e le Molisa ea Molemo 'me a tella linku tsa hae (e leng lona) bophelo ba hae, le ba nkileng kano ea boitlami ba iphana ho Molimo Ntate ka lipelo tsohle tsa bona molemong oa kholo ea Kereke 'moho le balumeli bohle.

Thutong ea Pele Peterosi le Joannes ba tšoaretswe ho bua ka tsoho ea Morena, kapel'a babusi, baholo le baruti ba molao 'me Peterosi a tletse Moea o Halalalang o bolela hore mesebetsi eohle e metle eo a e etsang o e etsa ka Lebitso la Kriste Jesu, ea thakhisitsoeng 'me Morena a mo tsosa bafung. H'a sebelisa mohlala o haufi o re lejoee leo liahi (babusi) li le lahletseng thoko le fetohile la mantlha la motheo. Ha ho na moo pholoho e ka tsoang hobane ha ho na lebitso tlasa leholimo leo batho ba ka pholosoang ka lona, ha e se lea Jesu Kriste.

Joaloka liahi tsa tempele ea Morena, Peterosi o bontša liahi hore li hlalositse Mangolo a Halalalang hampe mabapi le ho tla ha Messia. Joaloka baetapele ba sechaba ba latotse Jesu Kriste, Messia, eo eleng lejoee la mantlha la motheo oa sechaba sa Morena, Kereke. Ka sebete sohle o ile a bua phatlalatsa kapel'a babusi a sa tsotelle seo ba tla mo etsa sona. Thahasello ea hae e ne e le ho qoba ho fosa ho hasa Molaetsa oa Morena ka moo o leng kateng, hobane ha ho na 'Muelli lipakeng tsa Molimo le batho ntle le Kriste Jesu.

Evangeli ea Joannes e le hopotsa hore Kriste ke Molisa ea Molemo ka mantsoe a builoeng ke eena. Phapano lipakeng tsa mohiruo la Molisa ea Molemo ke hore mohiruo ha bona phiri e hlaha oa baleha o sia linku li le joalo hobane ha se tsa hae. Empa Molisa ea Molemo eena o tela bophelo ba hae ho pholosa mohlape. Ka lebaka la lerato le tlhokomelo ha e 'ngoe e lahlehile o sia tse 99 o il'o tsoama e le 'ngoe a e khutlissetse sakeng.

Ka tsela e tšoanang ba bilelitsoeng bophelong ba boitlami ba fue boikarabello ba ho alosa tumelo ea balumeli bohle. Ha ba bona e mong oa bana ba Molimo a kheloha ke tokelo ea bona ho mo atamela, e le hore a khutlele ka lesakeng la Morena e leng Kereke. Ha sena se phethahetse bohle ba tla beha litholoana tse molemo tsa moea, hape Morena mohla a faolang Sefate sa Bophelo a ke ke a khaola bana ba hae joalokaha a tla etsa ho makala a shoeleng.

Kriste o re o tseba linku tsa hae 'me le tsona lia mo tseba, sena se bolela hore o tseba e mong le e mong ka lebitso le fane. O boela a hlalosa hore ho na le linku tseo e seng tsa lesaka la hae, ka hona o tla li bokella 'me li tla mamela lentsoe la hae ebe mohlape o ba mong le Molisa o ba mong. Mona o ne a bua ka Balichaba bao e neng e se bajalefa ba litšepiso tsa Testamente ea Khale. Hona mona ho kenella batho ba lefatše lohle ho sa natsoe mohlobo kapa puo. Ka tumelo ea bona ho Kriste ba tla hlatsua 'me ba be karolo ea 'Mele oa Kriste.

Haeba ka nako e 'ngoe o na le ho ba le khoao ea hore Morena o u bilelitse ho hlokomela linku tsa hae, keletso ke hore u hlalobise taba eo hantle. Bohle ba bilelitsoeng bophelong ba boitlami 'me ba arabetse pitso ea bona ba phethahalitse Thato ea Morena. Ha re kopeng Morena Molimo ho hlohonolofatsa liparishe tsohle ka lipitso tsa boitlami e le hore mesebetsi oa hae o phethahale lefatšeng. Palo ea linku tse khutlelang lesakeng e eketsehe 'me litholoana tsa Moea o Halalalang li bonahale ho bohle ba amohetseng pitso ea bona ea ho tela bophelo ho sebeletsa Morena Molimo.

Bahalaleli har'a Beke

29 'Mesa

Ava

30 'Mesa

Aimo

1 Motšeanong

Acius

2 Motšeanong

Athanasius

3 Motšeanong

Adalsindis

4 Motšeanong

Augustine Webster

Lihlopha sekaleng sa boitšoaro

Tšeliso Thakholi

Lihlopha tse 10 tsa Liki e Kholo ea Vodacom li bonahala e le tsona tse nang le libapali tse itšoereng hantle ho tloha selemo sa lipapali tsa 2023/2024 se qala, kaha li sa fumana likarete tse

le ntšitsoeng ke Komiti e Tsamaisang Bolo ea Mao-to(PLMC), le bontšang hore na sehlopha ka seng se itšoere joang, Lioli, Naughty Boys, LCS, Ace Maseru, Liphakoe le Linare li bonahala e le tsona tse nang le libapali tse se nang boitšoaro

seng. Ha Naughty Boys e na le karete e le 'ngoe e khubelu ka kotloloho. Leha Lioli, Linare le Liphakoe li bapala hantle, li tla thefulea ke tse ling tsa libapali tsa tsona tse hlohang boitšoaro bo botle.

Athe Naughty Boys e se e

sa ka thata ho fetola maemo a litaba. Nakong ena nto a sale kholo lihlopheng tsa papali ea bolo Lesotho kaha ho loaneloa ho ikhapela maemo a pele ha lipapali li fihla pheletsong. Etsoe ho fihlela ha joale liki ha e-s'o fele, 'me ntho efe kapa efe

e ka etsahala, e tsoe mehlo-lo ea etsahala papaling ea bolo ea maoto.

Sebapali sa mehlang sa sehlopha se kileng sa tuma haholo ka papali ea sona e ntle sa Maseru Brothers, Thato Jankie o elelitse sehlopha sa Lioli ho ela hloko boemo bona ba likarete tse ngata, hobane se ka iphumana se hlotsoe ke ho hapa liki kaha e le sona se li hulang pele hajoale. "Ke nako eo Lioli e lokelang ho ikatela e le hore e tle e tsebe ho ikhapela liki ha selemo sa lipapali se fela, kaha e se e ntse e le ka matsohong a eona. Ha tse ling tse kang Liphakoe e lokela ho loanela hore e se ke ea tsoa lihlopheng tse kholo." A rialo a bile a phethela ka ho hlokomelisa bakoetlisi ho ela hloko boemo bona.



khubelu ho fihlela joale, ha ho setse lipapali tse 'ne pele liki e fihla pheletsong. Ke lihlopha tse tšeletseng feela tseo libapali tsa tsona li seng li fumane likarete tse tšehla le tse khubelu.

Ho latela lethathamo

ka ho fetisisa, kaha tse ling tsa libapali tsa sona li tebetsoe ka lebaleng ka ho fuoa likarete tse khubelu tse 'ne.

Lihlopha tsena tse tšeletseng kaofela ha tsona li bokelelitse likarete tse tšehla tse 'ne sehlopha ka

le mathateng a ho tjameloa ke selepe, 'me ho fumana likarete nakong ena eo ho setseng lipapali tse 'ne pele liki e fela, ho tla se beha ka moo thakali e fatelang. Ka hona bakoetlisi ba lihlopha tsena ba tlameha ho sebet-



Pula e qhala bolo



Tšeliso Thakholi

Lipapali tsa Liki e Kholo ea Bolo ea Mao-to ea Basali(WSL), tse phethelang selemo sa lipapali sa 2023/2024 tse neng li lokela ho tsoelapele mabaleng a Roma le Maf-

eteng, ka la 14 'Mesa monongoaha, ha li'a ka tsa tsoelapele ka lebaka la maemo a neng a sa jese litheohelang a lipula, tseo ka linako tse ling li neng li tšoloha ka sekhahla se sehoho.

Lipapali tse neng li lokela ho ea bapalla Roma, ke tsa Kick4Life Ladies le Tha-

ba-Tseka Ladies, Mawes Ladies le LMPS Ladies 'moho le Rovers Ladies le Mphaki H.S. Ladies le tse neng li tšoanela ho ea bapalla Seterekeng sa Mafeteng e leng Lijabatho Ladies le Berea Ladies le Bantu Ladies le LDF Ladies kaofela mabala a ne a sa bapalehe ke phallo ea

metsi a neng a matha liphoro-ro ka mabaleng.

Puisanong le Raliphatalatso oa WSL, Monghali Bolokoe Mohale o tiisitse hore lipapali tsohle li ile tsa emisoa ka lebaka la lipula. A re e se e le lipapali tsa bobeli tse sitoang ho tsoelapele ka mabaka a fapakaneng. A re tsa pele li ile tsa sitisoa ke lipapali tsa setsoalle tsa machaba, ha kajeno bothata e bile lipula.

A re kaofela ha tsona lipapali tsena tse saletseng morao li se li tla khetheloa matsatsi a mang ao li tla bapala ka ona, 'me tebello ke hore ha ho na ho ba le lipula tse tla baka tšitiso ea letho. Bolokoe a re ho emisoa ha lipapali tsa liki ho baka mathata a mangata a kang a ho se ithlophe hantle ha lihlopha tse ling. A re bo boetse ho kena-kenena le liki tsa Likolo tse Phahameng kaha e le hona li ntseng li bapala lipapali tsa tsona.

A boela a supa hore ha Liki

e sa fele ka nako, linako li se li fetohile ke Mariha hoa bata 'me sena se ama bophelo bo botle ba libapali. A re ba boetse ba fihla malapeng e se e le bosiu ha ba tsoa lipapaling kaha nako e se e le khutšoanyane haholo.

Ho sa le joalo, sehlopha seo e saleng se ntse se li hula pele ke sa LDF Ladies e leng bona bompoli ba ntseng ba sirelelitse sekola. Sehlopha sena sa Sesole sa Lesotho se entse nalane monongoaha kaha lipapaling tse 14 tseo se li bapetseng ha se e-s'o hlloe, se hlotse lipapali tsa sona kaofela, se na le lintlha-kholo tse 42. Bobeling ke Kick4Life Ladies eo ba bangata ba seng ba ntse ba tseba hore selemo le selemo boemo ba bobeli ke ba eona. Sonna se lahlehetsoe ke lipapali tse tharo, se na le lintlha-kholo tse 37. Boneng ke LMPS Ladies ka lintlha-kholo tse 26 ha boneng e le Berea Ladies ka lintlha-kholo tse 22.

Lesotho le'a ipabola Two Oceans

Tšeliso Thakholi

Limathi tsa Lesotho tsa mabelo a moka-ka, Lebelo 'Mopenyane, Lebanya Nkoka le Khoarahlane Seutloali ba makalitse likhalala tse tum-meng haholo tsa mabelo lefatšeng ka ho hlaha bo-emong ba bone, ba botšelela le ba borobeli ka tatellano lebelong la Two Oceans la bolelele ba 56Km le bileng Cape Town, Afrika Boroa, ka la 14 'Mesa monongoaha.

Lebelo Mopenyane o ile a ipabola ho feta liqhoku tse nang le nalane lebelong lena, ka ho hlaha bo-emong ba bone ka nako ea 3:11:21 kamor'a hore Ma-Afrika Boroa a mabeli, e leng Onalenna Khonkhobe a thule khoele pele ka nako ea 3:09:30 le Lloyd Bosman ea ileng a tsoa bobeling ka nako ea 3:09:58. Ha Givmore Mudzinganya oa Naha ea Zimbabwe a tsoile borarong ka nako ea 3:11:13. Haele Lebanya Nkoka o bontšitse boiphihlelo lebelong lena ka ho hlaha maemong a botšelela ka nako ea 3:12:33 ha boemong ba borobeli e bile Khoarahlane Seutloali ka nako ea 3:13:50. Ka tlhola ena Lebelo 'Mopenyane o ikhabetse chelete e kaalo



ka M35,000.00, Lebanya Nkoka a hapa M15,000.00 ha Khoarahlane Seutloali a fumane M13,000.00. Lebelo la monongoaha le bonahetse le bile boima haholo, kaha ba bang bao mahlo a neng a hlile a shebile ho bona ka tšepo

e kholo ea hore ba tla tlela Naha ea Lesotho tlhola ebile Teboho Sello ea ileng a hlaha boemong ba bo-12 ka nako ea 3:15:49 le Tšepo Ramashamole ea hlahleng boemong ba bo-14 ka nako ea 3:18:09. Haele ka ho basali Likeleli

Majara o hlahlile boemong ba bo-12 ka nako ea 4:2:11, ha mohloli ebile Gerda Steyn ka nako ea 3:26:54, bobeling ea eba Irvette Van Zyl ka nako ea 3:29:30, 'me bobeli ke ba Naha ea Afrika Boroa. Borarong ebile Loveness Madziva oa Naha ea Zimbabwe ka nako ea 3:38:00. Gerda Steyn o entse nalane lebelong lena ka ho le hapa ka makhetlo a mahlano a latellanang, 'me o ikhabetse chelete e kaalo ka M500,000.00 ntle le M250,000.00 ea hae ea ho fihla khoeleng pele.

Ho tloha ka 2007 ha lebelo lena le qala, ke Motlokoa Nkhabutlane feela ea nt-seng a tšoare nalane ea ho hapa lebelo lena ka nako ea 2:14:16. Nako ena e bonahala e le ka tlaase ho ea ba hlahleng har'a ba bane ba ka holimo. Ba bang ba limathi ba thoholelitse le ho lebohela likhalala tse na tsa Lesotho ka mosebetsi oa bona o tsoileng matsoho. Ba ipiletsa ho sechaba sa Basotho ho tšehetsa papali ea mabelo, kaha e le eona a tiisetsang Basotho khotso le thabo ka mehla.



Litlholisano tsa Mandela Cup



sa hantle litlholisanong tsena. O hlalositse hore litlholisanong tse peli tse bileng teng, e leng ea ngoahola ka Tšitoe le e bileng ka NUL libeke tse peli pele ba leba Durban, libapali tsena li ile tsa bontša boiphihlelo bo bohola ka ho hlola baphephetsi bao ba neng ba loana le bona.

A re boithlhopo ba ho qetela ba mokhethoa ona ebile bo matla haholo, 'me o tiisa a sa thekesele hore Naha ea Lesotho e tiil'o makatsa batho ka ho fetela boemong bo ka pele litlholisanong tsena. A phethe-la ka hore ha ho oa ba bonolo haholo ho bopa mokhethoa ona, kaha bothata ebile libu-kana tsa ho eta ho ba bang ba libapali.

Mokhethoa ona o bopiloe ka libapali tse latelang, ho banna ke Retšelisitsoe Kolobe(48Kg), Mathealira Sehlohoholo(54Kg), Toka Litabe(57Kg), Rorisang

Khoabane(60Kg), Monaheng Khebe(63.5Kg) le Refiloe Thai(67Kg). Haele ka ho basali ke Fusi Sehlohoholo(48Kg), Seipati Maseeng(50Kg), Ts'ooana Seleso(52Kg), Rapelang Maselela(54Kg), Khomamolefe Laeza(57Kg) le Puleng Rapoea(60Kg).

Hara sehlopha sena ho na le liloani tse kotsi tse kang Toka Litabe le Refiloe Thai, bao tšepo e kholo e leng hore ba tiil'o tlela Lesotho limentlele tsa Khauta. Haele bakoetlisi bona ke Diamond Lengolo, Tieho Ntulo, Velaphy Snyman le Limpho Leqele. Litlholisano tsena tseo sepheo sa tsona e leng ho tlotla President ea Mhlang ea Afrika Boroa, President Nelson Mandela, Naha ea Lesotho ha e-s'o hape letho. Ke libapali tse ka bang 360 ho hlaha linaheng tse 41 tsa lefat'se tse kenetseng litlholisano tsena.

Tšeliso Thakholi

Mokhethoa oa Lesotho oa papali ea litebele o bopiloe ka mekhahlelo e 'meli ea bah-

lankana ba tšelelseng le baroetsana ba tšelelseng, o e latile letailane Durban, Naheng ea Afrika Boroa ho ea kenela litlholisano tsa Mohope oa Mandela African Boxing Cup tse tiilo thakhoha ka la 15 ho isa la

21 'Mesa 2024. Pusanong le Raliphatlalato oa Mokhatlo o tsamaisang Papali ea Litebele(LeBA), Monghali Letsasa Taole o itse o na le tšepo e kholo ea hore mokhethoa ona oa o tla sebet-